

Sociaal Crisis Plan tin rond di 31 proyecto cu ta wordo ehecuta



ORANJESTAD (AAN):

Glenda Hernandez, directora di Departamento di Asuntonan Social a duna di conoce cu durante 2019, cu tabata e prome aña desde e introduccion di e Sociaal Crisis Plan, por bisa cu mas di e 90% ta den ehecucion.

El a indica cu tin rond di 31 proyecto cu ta wordo ehecuta. Esey ta e prome stap cu a wordo bisa ora cu e cuminsa cu e SCP. “Nos

a bisa nos ta pone e base na ordo, pasobra cu e base no tabata na ordo”.

Tabata tin un sorto di ‘crisis profesional andando’. Por chempel, ta wak cu e subsidio ariba tereno social a bay for di 122 miyon pa cu 50 miyon florin den algun aña di tempo.

E poblacion a redobla den 10 aña y ta wak cu nan servicionan social no a crece hunto cu e re-doblacion di e poblacion. A bay di 60 mil na aña 90 y pa aña 2010 ya caba tabata tin 110 mil habitante y unda e servicionan social a keda?, Hernandez a señala.

El a agrega cu hopi hende a drenta Aruba den e ultimo añanan y nan tambe mester di ayudo. No a wak

kico tabata e consecucionan social pero esaki ta un maneho cu por preveni. Ora cu a cuminsa cu SCP, na November 2018, a mira cu hopi servicio no tabata wordo duna. DRH a wak cu Sociale Zaken a perde 25 profesional y 12 a bay bek. Voogdijraad mesun cos. E ora con por duna un servicio di nivel si no tin e trahadornan, pa con grandi e problema ta, a remarca. Esey a purba den 2019 pa pone na ordo. Den 2020, cu hopi cos a wordo poni na ordo y e proyectonan ta draai, a haya personal, a train e personal ariba ‘science of safety’. Un veld di 160 hende a wordo getrain pa anda cu casonan unda e mucha ta den inseguri-

dad ta trata di compromete henter e famia y e ambiente unda e mucha ta y trahadornan pa pa e ta sigur.

E aña aki ta sigui cu e di dos training pa mas di 130 profesional den diferente sector. Ta bay bin un código di con por detecta cu un mucha ta wordo abusa of maltrata. Esey ta e meta di e Código di Protección Hubenil/Infantil. Cu esaki bay stap pa stap pa wak con e profesionalnan mester bay actua, Glenda Hernandez a indica.

Kier pa e ley aki bin na vigor na Mei 2020. E ley ta cla caba, pero awor tin cu bay papia cu e profesionalnan y yega na un entendimento y asina pone nan actua, el a agrega.